

直隸學務處擬訂初級師範學堂簡明章程



MB
G619.29
88



3 1762 1801 8

爲呈覆事案奉

宮保札開照得奏定章程各州縣於初級師範學堂尙未設齊之時宜急設師範傳習所俟各省城及各州縣初級師範學堂畢業有人傳習所可漸次裁撤等因直隸各屬前經通飭舉辦研究所及傳習所大半敷衍塞責間有創設初級師範學堂者如宣化玉田豐潤靈壽肥鄉等屬寥寥可數現在津保兩地已設初級師範學堂各州縣雖未能責以必辦各府直隸州有表率之責應速設初級師範學堂並照章除完全科及簡易科外添設豫備科及小學師範傳習所暨設置旁聽生以期多獲教員成就寒士應如何擬定詳細切實章程仰學務處通盤籌畫

具覆核奪通飭遵行合行札飭札到該處即便遵照辦理此札等因奉此遵查振興學務必先儲備師才故推廣初級師範學堂實爲第一要義惟論現今情勢若令各府直隸州舉完全簡易預備講習各科同時並舉不特財力未逮卽教員亦難得其人計惟有仿照速成師範辦法先設初級師範簡易科除保定天津宣化三府業經設立外限定每府直隸州及順屬四廳各立一處其地址或用校士館或用向日院試之考棚其經費或由本地自籌或用向日供給考試之費每處學額暫定爲百人分爲兩班後再擴充旁聽生不限人數視地勢酌定學期暫定爲六個月畢業以後逐漸延展需用教員暫由省城師範學堂

優等生內挑選派往仍令各府查學員隨時稽查此外所屬各州縣有能籌設師範傳習所及初級師範學堂者亦准一體照辦謹擬簡明章程八條恭呈

鑒核所有遵飭核議通飭各屬設立初級師範學堂緣由理合呈請

宮保查核批示祇遵爲此備由繕冊具呈伏乞

照呈施行須至呈者

督部堂袁 批據呈已悉所擬章程甚妥仰候刷印通行各府直隸州廳遵辦並行各州縣一體仿照辦理此繳

擬訂各府直隸州創設初級師範學堂簡明章程八條

計開

第一條 辦法

各府直隸州及順屬四廳應各設初級師範學堂一所。以造就初等小學教員。其學堂地址。卽就本城舊日院試考棚。或校士館爲之。令查學員就近相度。稍加修改。以合學堂格式。限至年內一律設齊。

第二條 經費

初級師範學堂經費。開辦時。應由本府直隸州自籌。其常年經費。除由本府直隸州籌備外。所有各屬向日供給。致試辦。各

費應盡數提歸本屬此項學堂之用師範生有願自費附學者聽

第三條 職員

此項初級師範學堂暫不專設監督卽由各府州就近經理兼令查學員考查其正教員兼監學二員由保定師範學堂師範畢業優等生中選派增一班則增一人另設庶務一員由本地方紳董推選

第四條 學額

此項初級師範學堂學生額數暫定爲兩班每班五十人旁聽生不限人數視地勢之廣狹酌定若經費充足卽可同時開三

四班

第五條 課程

此項初級師範學堂暫按照簡易科辦理課程分爲九類一修身二教育三中國文學四歷史五地理六算學七格致八圖畫九體操因各地方情形可酌加商業農業及手工

第六條 學期

此項初級師範學堂修業年限暫定爲六個月逐漸酌加

第七條 資格

招考學生應以本府州屬之舉貢生員年在三十五以下二十以上漢文明通身體強健不染嗜好者爲合格其非本府州屬

之人而願來堂附學者應作爲自費生火食由本生自給

第八條 畢業

此項師範生畢業後應由各府州考驗及格發給憑單

由學務處擬定

格式發給 准其在本府州屬充當初等小學教員三年其應得獎勵

應視學期久暫爲衡屆時由學務處另案呈請

督部堂核定

52
421047
4

KBC
IG
659.29
6